



COMUNU DE FURTEI

PROVÍNCIA DE SU CAMPIDANU DE MESU

CÓPIA

DELIBERATZIONI N. **51**

sa dì: **17.07.2012**

VERBALI DE DELIBERATZIONI DE SA GIUNTA COMUNALI

CHISTIONI:

CUNCESSIONI DEBADAS MANIXU CAMPUS POLIVALENTIS PO
MANIFESTATZIONI DE BENEFICÈNTZIA 'DEU BALLU, TUI BAU...'

S'annu **DUAMILLADOXI** sa dì **DEXASETI** de su mesi de **ARGIOLAS** a sa una e mesu de meigama me in s'aposentu de is atóbius, fatas prima totus is cosas naradas me in sa Lei chi c'est imoi, funt stétius tzerrius oi a s'atóbiu is componentis de sa Giunta Comunale.

A sa tzerriada ci funt:

CAU Dr LUCIANO	P
LEO TOLMIRIO	A
MANZARI ANTONIO	P
NONNIS ANDREA	P
PRINZIS PAOLETTO	P

Totali presentis	4
Totali assentis	1

Assistit su Segretàriu Comunale Sennori **COSSU DR. GIANLUCA** chi fait custu verbali.

Biu ca su númunu de is chi ci funt est comentu narat sa lei, su Sennori **CAU DR. LUCIANO** comentu a s'indigu pigat sa presidéntzia e narat ca est obertu s'atóbiu po fueddai de sa chistioni ca est narada apitzus.

SA GIUNTA COMUNALI

- CUNSIDERAU ca s'Assòtziu Grupu Folk "Su Pottabi" cun sedi a Samassi, bolit fai una manifestatzioni de beneficèntzia po s'Assòtziu Onlus "Amici degli Animali" de Gonnosfanàdiga, previdia su 28 e 29 de mesi de argiolas me is campus polivalentis tzerriada "Deu ballu, tui... bau",;

- bida sa pregunta a posta arribada su 29.06.2012 a su prot. 4490 firmada de su Sen. Arviano Mais, presidenti de s'Assòtziu Grupu Folk "Su Pottabi" cun sedi a Samassi in bia ... n° ..., de portai su campu de basket, chioscu e logus a giru a giru po is dis 28.07.2012 (allestimentu logu) e 29.07.2012 (dì de sa manifestatzioni);

- arragordau ca po su manixu de is localis comunalis si depint pagai is tarifas chi ddi pertocant comenti nau me in sa delìbera de G.C. n° 112 de su 10.11.2012 (aprovatzioni tarifas localis comunalis annu 2012);

- cunsiderau ca sa pregunta narada apitzus tenit scopus culturalis, ricreativus e socialis, no de guadàngiu, e in particolari est una manifestatzioni de beneficèntzia innoi est previdia sa partecipatzioni de unus cantu grupus folk ca s'ant a esibiri debadas, in prus a sa soministratzioni de cosa de papai e bufai, e totu su chi at a èssiri guadangiau at a èssiri donau a s'Assòtziu "Amici degli Animali" ca oi traballat po mantènniri prus de 140 canis abandonaus, chistioni a coru a manera particolari de s'Aministratzioni Comunali chi c'est imoi, e po cussu bolit contribuii cuncedendu su manixu de sa strutura comunali debadas, in dèroga a sa delìbera de G.C. n°112 de su 10.11. 2012;

TENTU su pareri favorèvoli de su Responsàbili de su Servìtziu po sa regolaridadi tècnica e de su Responsàbili de su Servìtziu Finanziàriu po sa regolaridadi contàbili de custa deliberatzioni, segundu su chi narat s'art. 49 D.Lgs. 267/00, ca si torrat a portai in carci a custu àutu deliberativu;

TOTU custu nau prima;

CUN votus uqualis po totus donaus comenti narat sa lei;

DELÍBERAT

1. De donai debadas in dèroga a su chi est nau de sa delìbera de G.C. n° 112 de su 10.11.2012, su manixu de is struturas de is campus polivalentis (campu de basket, chioscu e logus a giru a giru) s'Assòtziu Grupu Folk "Su Pottabi" cun sedi a Samassi po s'organizatzioni de sa manifestatzioni tzerriada "Deu ballu, tui... bau", po sa dì 29 de argiolas 2012 comenti narat sa pregunta arramonada apitzus.;

2. de specificai ca in s'interis de sa manifestatzioni s'intrada at a dèpiri èssiri libera e debadas, pena sa rescissioni de custa;

3. de autorizai su Responsàbili de su Servìtziu Tènicu a donai debadas is logus scritus apitzus;

4. de autorizai de manixai su nòmini e su logo de su Comunu de Furtei me is locandinas publicitàrias;

5. de dichiarai, pustis de una votatzioni uguali po totus, custu àutu esecutivu luegus segundu su chi narat su coma 3, art. 134 de su T.U. (D.Lgs. 267/00).

Lìgiu, aprovau e sutascritu:

**SU PRESIDENTI
FIRMAU CAU DR. LUCIANO**

**SU SEGRETÀRIU COMUNALI
FIRMAU COSSU DR. GIANLUCA**

PARERIS PREVENTIVUS

Segundu su chi narat s'art.49, coma 1 de su D.Lgs. 18 austu 2000 n. 267 si donat pareri favorèvoli po sa regolaridadi TÈCNICA e/o CONTÀBILE, de sa proposta de deliberatzioni formalizada cun custu àutu:

**REGOLARIDADI TÈCNICA
SU RESPONSABILI DE SU SERVITZIU
Firmau Sergi Geom. Antonio**

**REGOLARIDADI CONTÀBILI
SU RESPONSABILI DE SU SERVITZIU F.F.
Firmau Sergi Geom. Antonio**

—

- Si certificat ca custa deliberazioni, segundu su chi narat s'art. 32 de sa Lei 18.06.2009, n. 69, est publicada me in s'Albu Pretoriu on line sa dì 19/07/2012 e at a abarrai publicada po 15 dis de sighida.

- Benit mandada in còpia a dì de oi a is Capugrupus Consiliaris segundu su chi narat s'art. 125 de su D.Lgs 18.8.2000 n. 267.

Sa dì, 19.07.2012

**SU SEGRETÀRIU COMUNALI
FIRMAU COSSU DR. GIANLUCA**

CERTIFICAU DE ESECUTIVIDADI

Si certificat ca custa deliberazioni est bessida esecutiva segundu su chi narat s'Art. 134 de su D.Lgs267/00:

☐ Passaus 10 dis de sa publicatzioni (. .) - Art.134, coma 3° de su D.Lgs 267/00.

☐ Est stètia dichiarada luegus eseguìbili - Art. 134 - coma 4° de su D.Lgs 267/00

Sa dì, 19.07.2012

**SU SEGRETÀRIU COMUNALI
Firmau COSSU DR. GIANLUCA**

Cópia cunformi a s'originali, in paperi liberu, po manixu aministrativu.

Sa dì, 19/07/2012

Su Funtzionàriu Incarrigau